



28. december 2010

Inatsisartut suleriaasiat § 37 naapertorlugu Naalakkersuisunut imaattumik apeqquteqarniarpunga.

**Naalakkersuisunut Apeqqut:**

**Ilinniagaqarsimasut suliffinni salliunneqartarnissaannut inatsisiliornissamik Naalakkersuisut pilersaaruteqarpat?**

(Inatsisartuni ilaasortaqa Kristian Jeremiassen, Siumut)

**Tunnqavilersuut**

Ilinniagaqarsimaneq pissutigalugu suliffissaaruttarneq pissusissamisuunngitsoq isumaqarpunga, tamannalu aaqqinniarlugu politik-ikkut suliniutit aallartittariaqarput.

Nunatsinni ilinniartitaaneq ukiuni kingullerni annertuumik aningaasaliiffigivarput, ukiunilu tulliuttuni sulii annertuumik ilinniartitaaneq aningaasaliiffigisussaallutigut, siunissamilumi nunarput ajunngitsumik ingerlassappat pingaartillugu ilinniartitaaneq aningaasaliiffigiuartariaqarparput nunami innuttaasut ilinniagaqarsimasut piginnaanillilu pingiuassagutsigit.

Ukiuni makkunani imaalersimavoq ilinniagaqarsimaneq pissutigalugu illoqarfinni mikinerni nunaqarfinnilu suliffissaaruffiusarluni, ilinniagaqarsimanningsullu sulisorineqartarlutik akikinnerulaarnerat pequtaasimanersoq tamatumani nalunarluni.

Politik-ikkut oqaluttuaraluarluni innuttaasut ilinniagaqartariaqartut kisiilli ilinniagaqareerlutik naammassingaangamik atorfissaaruttarpagut, tamannalu pitsaasuunngitsoq oqaatigissavara aaqqinneqartariaqartorlu.

Taamaammat ilinniagaqarsimangaanni ilinniagaqarfiusumut sumulluunniit salliunneqartariaqarneq inatsisitigut pisussaaffiusariaqartoq isumaqarpunga, naalakkersuisummita tamatumunnga qanoq isumaqarpat?

Apeqquteqaatiga ullut suliffiusut qulit qaangiutsinnagit akineqarnissaat piumasarivara Naalakkersuisunut.